



Na osnovu člana 50. Poslovnika Predstavničkog doma Parlamentarne skupštine Bosne i Hercegovine i člana 44. Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 33/06, 41/06, 81/06, 91/06 i 91/07), **Zajednička komisija za ekonomske reforme i razvoj Parlamentarne skupštine Bosne i Hercegovine**, na 2. sjednici održanoj 21. 7.2010. godine, usvojila je

## IZVJEŠTAJ O RADU ZAJEDNIČKE KOMISIJE ZA EKONOMSKE REFORME I RAZVOJ ZA 2010. GODINU

### Uvodne napomene

Zajednička komisija za ekonomske reforme i razvoj (u daljnjem tekstu: Komisija) Parlamentarne skupštine Bosne i Hercegovine je stalno radno tijelo. Njena nadležnost regulirana je odredbama člana 56. Poslovnika Predstavničkog doma i člana 50. Poslovnika Doma naroda ("Službeni glasnik BiH", br. 33/06, 41/06, 81/06, 91/06 i 91/07).

Na 3. sjednici Predstavničkog doma, održanoj 09.02.2007., izabrani su članovi Komisije: Bajazit Jašarević, Rifat Dolić, Azra Hadžiahmetović, Hadži Jovan Mitrović, Mehmed Suljkanović i Jovan Todorović; a na 2. sjednici Doma naroda, održanoj 16.03.2007., izabrani su: Drago Ljubičić, Rudo Vidović, Adem Ibrahimpašić, Ivo Miro Jović, Hazim Rančić i Slobodan Šaraba.

Odlukom o izmjeni Odluke o izboru članova zajedničkih komisija oba doma PS BiH („Službeni glasnik BiH“, broj 25/09), od 31.03.2009., g. Drago Ljubičić, dosadašnji Predsjedavajući Komisije, razrješen sa dužnosti člana Komisije, te je istovremeno, g. Zoran Koprivica izabran za člana Komisije. Na 9. sjednici Komisije, od 14.04.2009., za Predsjedavajućeg Komisije izabran je g. Zoran Koprivica.

Odlukom Doma naroda (33. sjednica od 23.07.2009.), umjesto g. Rude Vidovića, za člana Komisije izabran je Dr Božo Ljubić.

Također, Predstavnički dom Parlamentarne skupštine BiH je, 24. novembra, te 2. i 7. decembra 2009., održao 64. sjednicu i prihvatio prijedlog izmjena u članstvu Komisije i imenovao: Vesnu Šain, umjesto Jovana Todorovića, kojem je mandat prestao zbog smrti i Ljiljanu Milašin, umjesto Hadži Jovana Mitrovića, kojem je mandat prestao odlukom Centralne izborne komisije BiH.

Kolegij Predstavničkog doma, na 44. sjednici, održanoj 12.02.2008. godine i Kolegij Doma naroda, na 10. sjednici, održanoj 18.02.2008. godine, donio je Rješenje o imenovanju kojim se Amer Bekrić imenuje na radno mjesto sekretara Zajedničke komisije za ekonomske reforme i razvoj. Imenovani je stupio na dužnost 03.03.2008. godine.

Odlukom o organizaciji Sekretarijata Parlamentarne skupštine BiH, u Kancelariji Komisije sistematizirana mjesta savjetnika i saradnika nisu popunjena.

Komisija je od konstituisanja radila na provođenju obaveza utvrđenih poslovnica, kao i obaveza koje su joj određene odlukama kolegija domova.

### **Opšti podaci o sjednicama Komisije i prisustvo sjednicama**

Opštim odredbama o komisijama domova i opštim odredbama o zajedničkim komisijama oba doma utvrđenim poslovnica regulisano je: osnivanje zajedničkih komisija; broj i struktura članova komisije; dužnosti; organizacija rada; sazivanje sjednica; donošenje odluka komisije; saradnja s drugim komisijama i tijelima; metode rada; osnivanje potkomisija ili radnih grupa.

U periodu od 01.01. do 31.12.2010. Komisija je održala osam sjednica.

Prisustvo članova sjednicama Komisije izraženo u procentima bilo je 79,16%.

Sjednice Komisije su trajale u prosjeku po 90 minuta.

Aktivnosti na sjednicama praćene su zapisnički. Zapisnike sjednica vodi sekretar Komisije prema usvojenim tačkama dnevnog reda po utvrđenoj poslovničkoj proceduri i metodologiji. U saradnji s predsjedavajućim i članovima Komisije, konačan tekst zapisnika definira se i dostavlja na lektoriranje na jezike u službenoj upotrebi u BiH.

### **Interna organizacija i procedure**

Prema planovima aktivnosti domova iz nadležnosti Komisije, koje određuju kolegiji Predstavničkog doma i Doma naroda, predsjedavajući Komisije, u saradnji sa sekretarom, organizuje i zakazuje sjednicu s prijedlogom dnevnog reda.

Planovi aktivnosti Komisije i njenih članova utvrđuju se prema orijentacionim radnim planovima domova i orijentacionom radnom planu Komisije.

Sjednici Komisije treba da prisustvuje najmanje sedam njenih članova, uz uslov da je prisutna najmanje polovina članova iz svakog doma, kako bi mogli pravovaljano odlučivati.

Komisija odlučuje prostom većinom članova koji su prisutni i glasaju, uz uslov da ta većina sadrži jednu trećinu članova svakog doma koji su prisutni i glasaju i jednog predstavnika iz konstitutivnih naroda.

Rezultati glasanja, prijedlozi i zaključci koje Komisija usvoji, zapisnički se konstatiraju za svaku tačku dnevnog reda.

Izvještaje koje Komisija podnosi domovima priprema sekretar Komisije u saradnji s predsjedavajućim, a prema potrebi i ostalim članovima Komisije kada to nalažu određeni razlozi.

## Zakonodavna aktivnost

Komisija je u periodu januar – decembar 2010. godine razmatrala četiri prijedloga zakona, i to:

1. Prijedlog zakona o popisu stanovništva, domaćinstava i stanova u Bosni i Hercegovini 2011. godine - predlagač: Vijeće ministara BiH - Predstavnički dom je na 70. sjednici održanoj 21.01.2010. godine odbio Prijedlog zakona u prvom čitanju;
2. Prijedlog zakona o promociji malih i srednjih preduzeća i preduzetništva u Bosni i Hercegovini - predlagač: Vijeće ministara BiH - Predstavnički dom je na 79. sjednici održanoj 16.06.2010. godine odbio Prijedlog zakona u drugom čitanju;
3. Prijedlog zakona o popisu stanovništva, domaćinstava i stanova u Bosni i Hercegovini 2011. godine - predlagač: Privremena komisija za pripremu Prijedloga zakona o popisu stanovništva, domaćinstava i stanova u Bosni i Hercegovini 2011. godine - Predstavnički dom je na 80. sjednici održanoj 30.06.2010. godine usvojio Prijedlog zakona u drugom čitanju – Prijedlog zakona upućen u proceduru Domu naroda PS BiH kao prijedlog Predstavničkog doma;
4. Prijedlog zakona o popisu stanovništva, domaćinstava i stanova u Bosni i Hercegovini 2011. godine (predlagač: Predstavnički dom Parlamentarne skupštine BiH). Predstavnički dom Parlamentarne skupštine BiH, u svojstvu ovlaštenog predlagača, 02. 07. 2010. godine, u skladu sa članom 122. stav (1) Poslovnika Predstavničkog doma Parlamentarne skupštine BiH, dostavio je Domu naroda Parlamentarne skupštine BiH navedeni zakon radi razmatranja i usvajanja. Kolegij Doma naroda Parlamentarne skupštine BiH je na 44. sjednici, održanoj 06. 07. 2010. godine, u skladu sa članom 95. stav (2) Poslovnika Doma naroda Parlamentarne skupštine BiH, odredio Zajedničku komisiju za nadležnu za Prijedlog zakona. Svoju odluku Kolegij Doma naroda Parlamentarne skupštine BiH zasniva na utvrđenoj nadležnosti Komisije iz člana 50. stav (1) alineja j) Poslovnika Doma naroda Parlamentarne skupštine BiH.

Zajednička komisija je, u svojstvu nadležne komisije, na 22. sjednici, održanoj 12. 07. 2010. godine, razmatrala Prijedlog zakona u prvoj fazi osnovnog zakonodavnog postupka i nakon sprovedene opće rasprave prihvatila principe Prijedloga zakona.

Dom naroda Parlamentarne skupštine BiH, na 48. sjednici održanoj 13. 07. 2010. godine, glasao je o Prijedlogu zakona, te ga usvojio u prvom čitanju.

Zajednička komisija, u svojstvu nadležne komisije, na 23. sjednici, održanoj 22. 07. 2010. godine, razmatrala je Prijedlog zakona u drugoj fazi osnovnog zakonodavnog postupka.

Zajednička komisija konstatovala je da su amandmane na Prijedlog zakona podnijeli delegati Zoran Koprivica i Slobodan Šaraba. Amandman delegata Zorana Koprivice glasi: „Član 48. briše se.“ Amandman delegata Slobodana Šarabe glasi: „Član 48. se briše.“

Nakon sprovedene opće rasprave kao i rasprave o pojedinostima, u skladu sa članom 110. Poslovnika Predstavničkog doma i članom 104. Poslovnika Doma naroda, glasalo se o podnesenim amandmanima i o Prijedlogu zakona u cjelini. S obzirom na odredbe člana 49. Poslovnika Predstavničkog doma i člana 43. Poslovnika Doma naroda, Zajednička komisija:

- 1. nije prihvatila nijedan od predloženih amandmana,**
- 2. sa pet glasova „za“, dva glasa „protiv“ i jednim glasom „uzdržan“, prihvatila je tekst Prijedloga zakona.**

Izveštaj o Prijedlogu zakona o popisu stanovništva, domaćinstava i stanova u Bosni i Hercegovini 2011. godine (predlagač: Predstavnički dom Parlamentarne skupštine BiH) je dana 22. 07. 2010. godine upućeno Domu naroda Parlamentarne skupštine Bosne i Hercegovine.

## **Informativne aktivnosti**

U izvještajnom periodu Komisija je razmatrala i druge akte koji nisu zakonodavnog karaktera, i to:

1. Informacija o kretanju makroekonomskih pokazatelja januar-oktobar 2009. godine;
2. Informacija o mogućim rješenjima za uzajamno djelovanje Zajedničke komisije za ekonomske reforme i razvoj i Ureda Svjetske banke u Sarajevu, u smislu obraćanja Parlamentarnoj skupštini BiH i eventualnog predlaganja rješenja za ubrzanje procesa ratifikacije međunarodnih sporazuma;
3. Prezentacija aktivnosti Agencije za sigurnost hrane u Bosni i Hercegovini;
4. Prezentacija aktivnosti Projekta jačanja upravljanja javnim finansijama III – DFID/PKF;
5. Izvještaj o radu Vijeća ministara BiH za 2009. godinu radi dostavljanja Mišljenja Domovima Parlamentarne skupštine Bosne i Hercegovine o aktivnostima iz djelokruga:
  - a) Instituta za akreditiranje BiH,
  - b) Instituta za intelektualno vlasništvo BiH,
  - c) Instituta za standardizaciju BiH,
  - d) Institucije Ombudsmena za zaštitu potrošača BiH,
  - e) Konkurencijskog vijeća BiH,
  - f) Agencije za sigurnost hrane BiH,
  - g) Agencije za statistiku,
  - h) Agencije za osiguranje u BiH,
  - i) Agencije za rad i zapošljavanje BiH,
  - j) Agencije za unapređenje stranih investicija u BiH (FIPA) i
  - k) Direkcije za ekonomsko planiranje
6. Informacija o kretanju makroekonomskih pokazatelja januar-decembar 2009. godine;

## **Ostale aktivnosti Komisije**

U skladu sa zaključkom Predstavničkog doma PSBiH usvojenim u nastavku 73. sjednice održanom 23. marta 2010. godine i Zaključkom Doma naroda PSBiH u nastavku 44. sjednice, održanom 19. aprila 2010. godine, tokom rasprave o Prijedlogu zakona o promociji malih i srednjih preduzeća i preduzetništva u Bosni i Hercegovini, Zajednička komisija za ekonomske reforme i razvoj je, u cilju evaluacije mišljenja javnosti o prijedlogu navedenog zakona, dana 28.04.2010. godine, organizirala javnu raspravu. Na javnu raspravu pozvani su predstavnici: Vijeća ministara BiH – Ministarstva vanjske trgovine i ekonomskih odnosa i Direkcije za ekonomsko planiranje BiH, zatim, Ministarstva industrije, energetike i rudarstva Vlade Republike Srpske, Federalnog Ministarstva razvoja poduzetništva i obrta, Odjeljenja za privredni razvoj, sport i kulturu u Vladi Brčko Distrikta BiH, Republičke agencije za razvoj malih i srednjih preduzeća, Vanjskotrgovinske komore BiH, Privredne komore F BiH, Privredne komore Brčko Distrikta BiH, Privredne komore RS, Asocijacije poslodavaca BiH, Udruženja poslodavaca F BiH, Saveza poslodavaca RS, Udruženja poslodavaca Brčko Distrikta BiH, predstavnici akademske zajednice, Ekonomskog fakulteta i Ekonomskog instituta Sarajevo, Ekonomskog fakulteta Istočno Sarajevo, Ekonomskog instituta Banja Luka, Ekonomskog fakulteta Mostar, predstavnici međunarodne zajednice, USAID-a, UNDP-a, Ureda Svjetske Banke u Sarajevu i Delegacije Europske komisije u BiH, te putem sredstava javnog informiranja sva druga zainteresirana lica koja imaju interes da sudjeluju u javnoj raspravi.

Također, Komisija je u svom radu usvajala zaključke, koje je dostavljala u daljnju proceduru kolegijima domova.

## **Saradnja sa drugim institucijama i organizacijama**

Komisija je imala kontinuiranu saradnju sa Vijećem ministara BiH – Ministarstvom vanjske trgovine i ekonomskih odnosa, Direkcijom za ekonomsko planiranje BiH, Agencijom za statistiku, Agencijom za unapređenje stranih investicija u BiH (FIPA) i Agencijom za sigurnost hrane BiH, čiju su predstavnici prisustvovali sjednicama Komisije i učestvovali u raspravama o zakonima i aktima koji su razmatrani na sjednicama.

Pored pobrojanih institucija, prilikom razmatranja Izvještaja o radu Vijeća ministara BiH za 2009. godinu, sjednici Komisije su prisustvovali i predstavnici Instituta za akreditiranje BiH, Instituta za intelektualno vlasništvo BiH, Instituta za standardizaciju BiH, Institucije Ombudsmena za zaštitu potrošača BiH, Konkurencijskog vijeća BiH, Agencije za osiguranje u BiH, Agencije za rad i zapošljavanje BiH.

## **Međunarodne aktivnosti**

Komisija je održavala naročito intenzivnu saradnju sa predstavnicima međunarodne zajednice u BiH, prije svega USAID-a – Projekt jačanja Parlamenta, Projektom jačanja upravljanja javnim finansijama (SPEM/PKF) finansiranim od strane Odjela za međunarodni razvoj Vlade Velike Britanije (DFiD), kao i sa Uredom Svjetske Banke u Sarajevu.

Pored uspostavljenih odnosa sa predstavnicima međunarodne zajednice koji djeluju u oblastima u kojima Komisija ima određene nadležnosti (USAID Projekt jačanja Parlamenta u Bosni i Hercegovini, Odjel za međunarodni razvoj Vlade Velike Britanije DFiD, odnosno Projekt jačanja upravljanja javnim finansijama (SPEM PKF) i Ured Svjetske Banke u Sarajevu), Komisija je u izvještajnom periodu realizirala studijsku posjetu Parlamentu Republike Bugarske, nakon koje se susrela i sa Ambasadorom R. Bugarske u Sarajevu, radi dogovora o daljem nastavku saradnje.

## **Rezultati rada članova Komisije**

Na osnovu navedenih aktivnosti, može se zaključiti da je Komisija realizirala postavljene zadatke.

## **Opća procjena i sugestije**

Imajući u vidu opis poslova i utvrđene poslovničke procedure, može se konstatirati da je u izvještajnom periodu došlo do znatnog povećanja aktivnosti Komisije (u odnosu na prošlogodišnji period, obim posla povećan je za preko stotinu procenata).

Iz već definiranih i planiranih aktivnosti za naredni period, jasno je da će se dodatno povećati obim poslova Komisije, a za još uspješniji rad potrebno je u što skorije vrijeme popuniti minimalno jedno upražnjeno radno mjesto.

Predsjedavajući Zajedničke komisije